

صاحبي ، مديري ، محوري :



آبونه بدلي :

سنه لکي ۱۰۰ غروش
آلتي آيايي ۵۰ »
اوي آيايي ۲۵ »

مخبر

۱۳۳۸

اداره خانه سي :
شهرزاده باشنده (تعالی اسلام)
جمعیتی مرکز عمومی
مرکز توزیعی :
باب عالی جاده سنده اتحاد
تجارت کتبخانه سی
اسلامک نفعنه خادم مقالات
مع القشکر قبول و درج اولونور

يازاڭك شخصيتي دكل ، يازينك اهميتي
نظر دقته آلتير

دینی ، علمی ، ادبی ، اجتماعی و شجری
مجموعه اسلامیه در

كلن يازيردن شايان قبول كورولنل تاريخ
ميراسيله درج اولونور .

عدد : ۵

۱۳۳۹ ربيع الاوله مخصوص نسخه

في ۷ بوجوق غموش

مدير جات :

قرآن كريمك ايلك نازل اولان آيتلري (طاهر المولوي) - برآيت مناسبيله (فريد) - يوم وانواعي : (احمد ضيا) -
علم هيتك مبدأي (سعدی) - ربيع الاول ومولد شريف (طاهر المولوي) - مولد نبوي احتفالتك مستند شرعيسي (محمد كامل) -
اسكيدن متقبه مولد قرائتي ناصل اجرا ايديليردي (عطا تاريخي- طيار زاده عطا بك) - مدحت رببي بك مرحوم: (طاهر المولوي) -
غني كشميري وبعض ايساني (طاهر المولوي) - بحبي افندي دركاهي شيخك تاريخ ارتحال (سعود المولوي) .

ربع دائره نك صورت استعمالی

احمد ضيا بك افندي طرفندن تحرير ايديلوب طبع ايديلكده اولديني محفلك ۳ نجی نسخه سنده تيشير اولونان
ربع دائره رساله سي بودفعه برطرز نوین وكزينده اكمل ايديلهرك حكاكر چارشيسنده خواجه مصطفى اقدینك
دكاننده (۴۵) غروش بدل ايله صالقمده در .

مؤلف موماليهك (ربع دائره نك اساسي وطريق ترسيحي) عنوانلي رساله سنك ده قريبا انتشار ايدده جيكي مع المسار استبشار ايدلشدره .

دینی درسار — مؤلفی آقسه کيلي احمد حدى

اسلام يولى — اسكيلي محمد عاطف

اسلام چيغيري — » » »

بواثرلرده ميدان انتشاره قونولش وعموم كتابچيلرده صالقمده يولو نمشدر . كرك ضيا بك افدينك ، كرك حدى
وعاطف افنديلرك قدرت فاضلانلري مجموعه ده كي يازيليله مبرهن اولديغدن اثرلري حقنده فضله سوزه لزوم
كور ميورز هر يرخي مؤلفات جديده مراقيليرينه توصيه ايدرز .

آبونه ليريمزدن رجا — محفلك نسخه لري صورت منتظمده كوندريلكده ايسده آبونه ليريمزدن بعضيليرينه واصل
اولامادقلى آكلاشيلور . بناء عليه مجموعه سي كلمه ين ، برده تبديل اقامت ومأموريت ايله ين آبونه ليريمزك اداره مزه
معلومات ويرمه لري رجا اولونور .

مولد نبوی احتفالنك مستند شرعیسی

شهر ربیع الاولده مولد نبوی احتفالی نه صدر اسلامده، نه ده آلتیجی قرن هجری او اخیرنه قدر آنی تعقیب ایدن زمانلرده جاری دکل ایدی . خاتم الانبیا اقدمزك ولادت سنه لرخی تسعید مقصدیله مسلمانلرك اجتماعی ، (معظم) لقبیله یاد اولئان « اربیل » امیری « مظفرالدین ابو سعید کویوری » طرفندن آلتی یوز تاریخلرنده وضع واحداث ایدلش وزمانزه قدر عادت مستحسنه اوله رق دوام ایده کلسدر .

علم و فضیلتی ، عدل و رافقی ، سخا و سماحتی و صوڪ درجه شجاعت و شهامتیه شهرت شعار اولان « مظفرالدین » هر سنه محرم آیندن اعتباراً مولد شریف استحضاراتنه باشلار و بغداد ، موصل ، جزیره ، سنجار ، نصیبین ، بلاد عجم کی ازیله مجاور اولان مملکتلرك فقها ، صوفیه ، قراء و شعراسنی طوبیلا بهرق آنلره البسه فاخره لر کیدیریردی . صکره جماعت کبری ایله مولد رسالتنهای تسعید ایدیلوردی . ملک مشارالیه او کونی بیوک بره صرف اختیار ایده رک یاپدیردینی اطعمه نفیسه ایله اربیل اهالیسنه و بلاد مجاوره دن کلن بیکلرجه مسلمینه مکلف بر ضیافت کشیده ایدردی . قاضی ابن خلکان (وفیات الاعیان) نده مظفرالدینك مولد نبوی احتفالی بر قاج صحیفه ده بیوک براعتنا ایله تصویر ایتدکن صکره بواجتماعلرك برقاچنده کنديسنك ده حاضر بولنديغنی ذکر ایتکده در .

اشبو احتفال مبرورك واضعی شرفی حائر اولان « مظفرالدین » تاریخ اسلامك قید ایتدیکی ممتاز سیالردندر . اسلام مجاهدلرندن مشهور « صلاح الدین ایوبی » معیتده اوله رق اهل صلیب محارباتنده پك بیوک شجاعت کوسترمش و صلاح الدین طرفندن همشیره سی « ربیع خاتون بنت ایوب » کنديسنه تزویج اولمغله او محترم مجاهدك انشته سی اولمشدی .

امیر مشارالیهك كرك حرمینده ، كرك سائر بلاد اسلامیه ده یاپدیردینی مؤسسات خیریه حددن افزوندرد .

هله بونلردن دوت دانه سنی ابن خلکان ذکر ایتکده در که شونلردر : (۱) « دارالعمیاء » درکه کورلره مخصوص ایدی . (۲) « دارالارامل » درکه عاجزه طول قادینلره مخصوص ایدی . (۳) « دارالایتام » درکه کوچك سنه کی یتیم چوجقلره مخصوص ایدی . (۴) « دارالملا قیط » درکه شورادن بورادن ده مشیریلن کیمسه سز چوجقلرك حفظ و تربیه سنه مخصوص ایدی . اشبو دارالخیرلری هر هفته بازار و پنچشنبه کونلری بالذات تفتیش ایلردی . خسته خانلری دولاشیر ، خسته لرك برر برر خاطر لرخی صوراردی . هله فقهاء حنفیه و شافعیه ایچون یاپدیردینی مدرسه ایله صوفیه ایچون یاپدیردینی خاققاه هر وقت کلیر علمیه و صوفیه رجالیه برلکده طعام ایدردی .

ایلك دفعه یازیلان مولد شریف منظومه سی (کتاب التنویر فی مولد السراج المنیر) [۱] نامنده کی اثر معتبردر که « حافظ ابو الخطاب عمر بن حسن بن دحیه » طرفندن یازلمشدر . نسی پدیری طرفندن اصحابان « دحیه الکلبی » رضی الله عنه ، والده سی طرفندن ده « امام حسین بن علی » رضی الله عنهما یه منتهی اولدینی ایچون (ذوالنسین) دیمکده معروفدر . مشارالیه اندلسك مشاهیر محدثین و ادباسندن اولوب بر آره لق استماع احادیث شریفه مقصدیله سوریه و عراق طرفلرینه سیاحت ایتشدی . (۶۰۴) تاریخنده خراسانه کیدرکن اریله اوغرایوب « ملک مظفرالدین » ك مولد نبوی احتفالنده بولنش و ذکر ایتدیکنز منظومه یی اوراده یازوب مظفرالدینك حضورنده بالذات اوقویه رق مشارالیه طرفندن بیک دینار احسانه نائل اولمشدر . (۶۳۳) تاریخنده مصرده وفات ایتشدرد . مدح نبوی حقنده یازدینی اشبو کتابك آخرنده اوزون بر قصیده ایله مظفرالدینی ده ثنا ایتکده در .

[۱] بو اسم بعض مؤلفاتده (کتاب التنویر فی مولد البشیر النذیر) صورتنده ضبط اولمشدر .

ایچون کتاب وسننده بر اصل شرعی بولندیفی مسلم دکلدر .
نصل که امام الحفاظ « ابو الفضل بن حجر » دن بومسئله
صورلدیغنده شوصورتله جواب ویرمشددر : واقعا قرون
ثلاثه اصحابندن بویاده بر نقل یوقدره فقط مولد اجتماعی
محاسنی مشتمل بر عادت اولوب ضدی مفاسددن اجتناب
اولنق شرطیله « بدعت حسنه » اولدیغنده شبهه یوقدر .
بجه مولدك استناد ایتدیکی اصل شرعی، صوم عاشورادركه
بخاری و مسلمك صحیحلرنده متفقاً تحریج لرینه کوره رسول
اکرم افندمن مدینه منوره یه هجرت بیوردقلرنده قوم
یهودی یوم عاشوراده اوروج طونار کوردیلر . بوصومك
سببی سؤال بیوردقلرنده « عشر محرم جناب حنك فرعون
غرق و بنی اسرائیله نجات بخش ایتدیکی مبارك برکونددر .
حضرت موسی بو کونی شکر الله صائم اولورلردی » دیملری
اوزرینه « بز موسایه اتباعه سزدن احقر » بیوردیلر
واصحابنه او کونی اوروج طوتملری امر ایتدیله ک صکره
بو اوروج صوم رمضان ایله نسخ بیورلمشددر .

ینه ابن حجر دییورکه : بوصوم عاشورادن مستفاد
اولان حکم ، اسداء نعمت و دفع نقت اوزرینه شکر الله
تعالی ایشله یلن افعالک مشروعتیددر . جناب حقه شکر
ایسه سجود ، صیام ، صدقه ، تلاوت کبی انواع عبادت
ایله حاصل اولور . عجیبانی آخر الزمانک شرف قدومندن
بیوک بر نعمت تصور اولنه یلورمی ؟

ابن حجر ، مولدك یوم عاشورایه مطابقت تامه سنی
تأمین ایچون ، ولد نبی احتفالنک شهر ربیع الاولک اون
ایکنجی کونی اجراسنی توصیه ایدیور . سنه نك ایام
سائر سنه تشمیلنه کنجه بوباده (وفیه مافیه) دییور .
برده مولد اجتماعلرنده یالکیز تلاوت قرآن ، اطعام ، صدقه ،
مدایح نبویه دائر انشاد کبی کندیسندن شکر الهی مستفاد
اولان شیلره قصر ایدیلوب قادینلرک ارککلرله آچیق
صاحیق مجتمعا اوطورملرندن ، آلات موسیقیه ایله غناء
باطله کبی اساساً حرام اولان ویا مکروه بولنان شیلردن
اجتناب ایدلسنی توصیه ایدیور .

آلتی یوز تاریخندن زمانیزه کلنه قدر مولد شریف
احتفالنه بتون اقوام اسلامی طرقلرندن دوام ایدیلر کیش
وهر برینک لسانلرنده بجه منظومه لر یازلمشددر . بالخاصه
سلطین عثمانیه مولد نبی احتفالی دأب دیرین سلطنت
سنه لری عدادینه ادخال ایدرک آنی هر سنه ربیع الاولک
اون ایکنجی کونی مکلف بر صورتده اجرا ایدر کیشلرددر .
جناب حق الی آخر الساعه اجراسنی ده میسر بیورسون .

☆☆☆

مولد نبی اجتماعنک شرعاً بر فعل ممدوح ویا مذموم
اولمی ، اجتماعده بولنانلرک مثاب اولوب اولمالری
فقها طرفندن تحقیق ایدلمشددر . خاتمه المحدثین جلال الدین
سیوطی (وفاتی ۹۱۱) (حسن المقصد فی عمل المولد)
نامیله یازدینی بر رساله ده بو سؤاللره جواب ایدر که
مولد شریف احتفالنک اساسی « قرآن کریمدن
میسراولان بعض آیات کریمه نك قرائتی و ولادت سنه لری
آننده نه کبی آیات و شواهد ظاهر اولوب امر
نبوتك فصل باشلا دیغنه دائر وارد اولان اخبار شریفه نك
روایتی مقصدیله مسلمانلرک اجتماعندن ، بعضاده بو وسیله
ایله احتضار ایدیلن یمکی بیوب داغیلرندن عبارتدر که بو
اجتماع ، قدر رسالتناهی بی تعظیم و مولد سنه لریله اظهار
فرح و استبشار کبی مقاصد حسنه یه مستند بولندیقندن
هر حالده اوراده بولنانلرک مثاب اوله جنی « بدعت حسنه »
جمله سندن معدوددر .

صکره سیوطی مرحوم ، متأخرین فقهاء مالکیه دن
« تاج الدین فاکهانی » نك مولد اجتماعنی « بدعت مذمومه »
جمله سندن عد ایتدیکنی و بو خصوصده (المورد فی الکلام
علی عمل النول) نامیله یازدینی بر اثرینی عباره سیله ذکر
ایدرک جوابلری یازمقده در که فاکهانی نك بتون اعتراضاتی
بر نقطه ده طویلانیور . اوده « مولد اجتماعنک نه کتاب
وسننه مستند ، نه ده دینده مقتدا به اولان علماء امتدن
منقول اولمادیفی » دعوا سندن عبارتدر .

سیوطی مرحوم جواباً دییورکه : اولامولد عادی

سیوطی ینہ « حسن المقصد » ندہ دیورکہ : حضرت پیغمبرک بعد النبوة عقیقہ لرینی اعادہ بیورملری دہ بو بخندہ . نم خاطر لادیغم اصل شرعیدر . شویله کہ : بیہیقینک انس بن مالکدن تخریجہ کورہ جدالنہ عبدالمطلب حضرتلری محترم حفیدیہک ولادتک یدنجی کونی عقیقہ اولہرق قربان کسمشلدی . عقیقہ اعادہ سی جاری دکل ایکن رسالتماہ اقدمز ایکنجی دفعہ اولہرق عقیقہ لرینی کسدیلر . بواعادہ جناب حقک حبیب ادینی رحمة للعالمین اولہرق بعث وارسالہ قارشو اظهار شکردن بشقہ نہیہ خمل اولنہ بیلور؟ بناء علیہ نبی اشفع واشفق اقدمزک شرف قدومہ قارشو اطعام طعام ، اظهار مسرات کی وجوہ قربات ایله اظهار شکر ایتک امت اوزرینہ مستحبدر .

امام القراء شمس الدین جزوی (عرف التعریف بالمولد الشریف) نامندہ کی اثر مرغوبندہ دیورکہ : ابو لہب ، موتندن صکرہ رؤیادہ کوریلوب حالندن صورلدیغندہ جواباً « عالم نہ اولہحق طبعی جہنمدیم . یالکز ہرہفتہ بازار ایرتہ سی کیجہلری شو ایکی پارمغمک اوجندن من طرف اللہ مقدر اولان شیئی امیورم ، بو صورتلہ برآز خفیفلورم . بودہ ولادت محمدیہ بی جاریم « ثویبہ » بکا تبشیر ایتدیکنندہ آنی آزاد ایتمککم ثویبہ نکدہ اول حضرتی ارضاع ایتسی برکتیدر « دیمشدی » ذمی حقندہ بر سورہ مستقلہ نازل اولان ابو لہبک عذابی مولد محمدیہ فرحانمسندن طولای خفیفلرسہ بر مؤمن موحدک سرور و شادمانی اظهاری ، وسیلہ رحمت اولمسنندہ شبہ ایدیلورمی ؟

شمس الدین دمشق « موردالصادی فی مولد الہادی » نامندہ کی مولد شریف رسالہ سندہ بوبادہ شوبیتلری انشاد ایتشدر :

اذا کان هذا کافرا جاء ذمه وتبت يداہ فی الجمحیم غلبا
اتی انه فی يوم الاثنين دائماً یخفف عنه لاسرور باحمدا
فما الظن بالعبء الذی کان عمره باحمد مسروراً ومات موحداً

مولد اجتماعک استناد ایتدیکی اصول سابقہ بی سیوطی مرحوم ذکر ایتدکن صکرہ شونی دہ علاوہ ایدیورکہ : کرچہ بواجتماعلر قرون ثلاثہ جاری دکل ایدی . لکن آنک محدثی ملوک اسلامیدن عادل ، عالم بر ذات اولسی و آنکہ جناب حقہ تقرب قصد ایتسی ، صکرہ بوجمالس و مجامعدہ عصرینک علما وفقہاسی بلا انکار بولنسی ، خصوصیلہ ابن دحیہ کی بیوک بر حافظ ومحدثک رضا کوسترمسی ، حتی بوبادہ بر کتابدہ یازمسی بونک بین المسلمین بر فعل مستحسن اولدیغہ دلالت ایدر .

محمد کامل

تاریخ بر مقام

اسکیدن منقبہ مولد قرائتی ناصیل اجرا ایدیلردی ؟

سليم ثانیہک مولد شریف قرائتی رسمہ کمالیلہ رعایتکار اولدیغی ، حتی مولد وسائر قندیل کیجہلرندہ جوامع شریفہ منارہلرندہ قندیل یاقیلماسی مشارالہک ارادہ سیلہ باشلادیغی ، احمد اول دورندہ بو رسم بہینہ بر طاقم علاوہلر یاییلوب محمود ثانیہک امریلہ مولد قندیلندہ منارہلردن باشقہ اولرک قایمسنندہ تنویرات اجراسنہ باشلانیلدیغی (عطا) تاریخندہ محرردر .

ینہ او تاریخندہ یازیلدیغی وجہلہ (مولد آلای) ربیع الاولک اون ایکنجی کونی اجرا ایدیایر ومنقبہ مولد سعادت ، سلطان احمد جامع شریفندہ اوقونوردی .

بو رسم کزین ، بوکون ترک ولسیان ایدیلش بر طاقم تشریفات ایله ایفا اولونوردی .

او تشریفاتک صورت اجراسنی عطا تاریخندن بروجہ آتی عیناً نقل ایدیورز .

(سلطان احمد جامع شریفندہ صدرین محترمین وموالی ومدرسین علی مراتبہم صاغ طرفدن منبر شریف نہایتہ